

大日本史

六

元正天皇	元明天皇	文武天皇
第十五卷	第十四卷	第十三卷
本紀	本紀	本紀

一五〇	一三八	二〇二	和書門
冊	架	函	號類

史傳

內閣文庫	
番號	和 20258
冊數	150 (6)
函號	138 105
庫文	三〇八
函	一五〇
冊	二〇八
架	冊號類

架冊吐一
六五陸和



大日本史卷之十三

淺草文庫

本紀第十三

權中納言從三位源光圀修

男權中納言從三位綱條校

玄孫權中納言從三位治保重校

文武天皇

文武天皇小名珂瑠子小枝別釋曰日本紀引阿

按愚管鈔一代要記皇代記歷代皇紀皇胤

紹運錄並云諱輕萬葉集亦書輕皇子輕珂瑠

字瑠音訓相通誤今訂之疑以天武帝孫岡宮天皇

大日本史

卷十三

本紀

十三

草壁子也、母元明帝、以天武帝十一年生、年生

據懷風藻、水鏡等諸書、崩年二十五之文、天皇天資寬仁、愠不形

色、博涉經史、最善射藝、持統帝十一年、立為

皇太子、

元年丁酉、秋八月甲子朔、天皇受禪、即位於

藤原宮、藤原宮據愚管時年十五、一年據水鏡

愚管鈔、右大臣多治比島如故、公卿補任十七日

庚辰、詔免今年田租雜徭、及庸之半、優恤高

年、賜親王已下百官物有差、令諸國每年放

生、二十日癸未、以藤原宮子娘為夫人、紀寵

門娘、石川刀子娘為嬪、○本書作妃、今訂二

十九日壬辰、賜王親及五位已上食封各有

差、九月三日丙申、京師嘉禾生、近江獻白鼈、

丹波獻白鹿、冬十月十九日壬午、陸奧蝦夷

貢方物、二十八日辛卯、新羅朝貢、十二月十

八日庚辰、賜越後蝦狄物有差、閏月七日己

亥、播磨備前備中周防淡路阿波讚岐伊豫

饑、賑給之、二十八日庚申、禁正月往來行拜

賀之禮、如有犯者、依淨御原朝制決罰之、但聽拜祖兄及氏上、

二年戊戌、春正月壬戌朔、天皇御大極殿受朝、百官及新羅朝貢使拜賀、十七日戊寅、供新羅貢物于諸社、十九日庚辰、獻新羅貢物于大內陵、二月五日丙申、車駕幸宇智郡、十二日癸卯、賜百官職事以上、及才伎長上祿各有差、十五日丙午、賜武官祿各有差、三月五日乙丑、因幡獻銅鑛、十日庚午、詔諸國司

等、銓擬郡司、勿有偏黨、郡司居任、奉法勿違、二十一日辛巳、禁賀茂祭日、會衆騎射、夏四月十三日壬寅、遣務廣貳、文博士刑部真木等於南島覓國、因給戎器、二十九日戊午、奉馬芳野水分峯神祈雨、五月庚申朔、奉幣諸社祈雨、五日甲子、祈雨京畿名山、大川、十六日乙亥、遣使諸國、巡視田疇、二十五日甲申、敕太宰府、繕治大野基肄、鞠智三城、六月十四日壬寅、越後蝦狄獻方物、二十八日丙辰、

奉馬諸社祈雨、秋七月己未朔、日有食之、七日乙丑、始制笞法、以檢覈公私奴婢、又禁博戲遊手之徒、十七日乙亥、下野備前獻赤烏、伊豫獻白鵠、八月二十日丁未、修高安城、二十六日癸丑、定朝儀、九月七日甲子、下總大風、十日丁卯、遣當耆皇女、侍伊勢齋宮、二十五日壬午、周芳獻銅鑛、冬十月二十三日己酉、陸奧蝦夷獻方物、十一月丁巳朔、日有食之、五日辛酉、伊勢獻白鵠、七日癸亥、遣使諸

國大祓、二十三日己卯、大嘗、十二月五日辛卯、令對馬島冶金鑛、二十一日丁未、令越後修石船柵、二十九日乙卯、遷多氣大神宮於度合郡、是歲、近江紀伊越後疫、給醫藥、三年己亥、春正月二十六日壬午、京師女子一產四子、賜純綿布稻及乳母、二十七日癸未、行幸難波宮、二月二十二日丁未、車駕還宮、二十三日戊申、詔免從駕騎兵今年調役、三月九日甲子、河內錦部郡獻白鳩、詔免本

郡今年租役獲瑞者給復三年赦畿内徒罪
 己下、二十七日壬午、分遣巡察使于畿内、檢
 察非違、夏四月二十五日己酉、賜越後蝦夷
 爵、五月二十四日丁丑、流役小角於伊豆島、
 六月十五日戊戌、施山田寺封、三百戶、限以
 三十年、是月、天皇幸大安寺、聚五百僧、設大
 供養、是月以下、大安寺緣起、按緣起、天皇發
 誓造丈六佛像、因夢兆懸大鏡於佛前、
 請僧供養、而不錄年月、水、秋七月十九日辛
 未、多勸、夜久、菴美、度感等人從朝使來貢方

物、度感、島始通、授位賜物各有差、二十京回
 癸酉、淨廣貳弓削皇子薨、八月八日己丑、奉
 南島貢物於大神宮及諸社、十一日壬辰、賜
 百官物有差、二十一日壬寅、伊豫獻白燕、九
 月十五日丙寅、又修高安城、二十日辛未、詔
 正大貳己下、無位己上、備弓矢甲鉞兵馬、又
 敕京畿儲之、冬十月十三日甲午、以營越智
 山科二陵赦天下、但十惡強竊二盜不在赦
 限、二十日辛丑、遣淨廣肆衣縫王直大壹當

麻國見等於越智、淨廣肆大石王、直大貳粟田真人等於山科、修造山陵、二十七日戊申、遣巡察使于諸國、十一月辛亥朔、日有食之、四日甲寅、文博士刑部真木等至自南島、十二月四日甲申、令太宰府修三野稻積二城、二十日庚子、始置鑄錢司、○按日本紀持統八年三月、以大宅麻呂、臺八島、黃書本實為鑄錢司、此云始置、未詳、四年庚子、春二月十九日己亥、令越後佐渡修石船柵、二十二日壬寅、遣巡察使于東山

道、二十七日丁未、重敕王臣及京畿、備兵器、三月十五日甲子、詔王臣、讀習令文、又撰成律條、十七日丙寅、定諸國牧地、夏五月十三日辛酉、以直廣肆佐伯麻呂為遣新羅大使、勤大肆佐味賀佐麻呂為小使、六月三日庚辰、敕竺志總領、罰薩末肝衝等人、剽劫刑部真木等者、十七日甲午、敕淨大參刑部親王、直廣壹藤原不比等等、重選定律令、秋八月三日戊申、宇尼備賀久山成會陵墓、及吉野

宮樹木無故凋枯十日乙卯長門獻白龜二十
 十二日丁卯赦天下但十惡盜人不在赦限
 高年賜物又以巡察使奏狀褒諸國司政績
 阿倍御主人大伴御行船秦勝漆部道麻呂
 等進階賜封各有差二十六日辛未右大臣
 多治比島為左大臣二十六日己下公卿補
 任○按本書是歲正月
 既書左大臣豈追書之歟冬十月八日壬子始置製衣冠
 司賜京畿年九十已上僧尼絕綿布十九日
 癸亥佐伯麻呂等至自新羅獻孔雀及珍異

諸物二十六日庚午遣使周防造船十一月
 二十一日乙未遣使逮捕天下盜賊二十八
 日壬寅大倭女子一產三子賜絕綿布稻及
 乳母十二月大倭疫給醫藥
 大寶元年辛丑春正月乙亥朔天皇御大極
 殿受朝儀衛嚴整蕃客列位文物之美於是
 大備○元日朝賀說見孝德紀大化二
 年○至是其禮大備故此後不書四日
 戊寅御大安殿受祥瑞如告朔儀十八日壬
 辰以大納言大伴御行薨停大射二十三日

丁酉、以民部尚書粟田真人為遣唐執節使、
 左大辨高橋笠間為大使、右兵衛率坂合部
 大分為副使、二月四日丁未、始置下物職、十
 四日丁巳、始釋奠、十六日己未、遣泉內親王
 侍伊勢齋宮、二十日癸亥、幸吉野離宮、二十
 七日庚午、還宮、三月十五日戊子、遣追大肆
 凡海麤鎌于陸奧治金、二十一日甲午、對馬
 島貢金、建元曰大寶、始依新令、改官名位號、
 停賜位冠、易以位記、定服色制、罷中納言、以


大納言阿倍御主人為右大臣、諸王羣臣進
 爵有差、二十六日己亥、丹波地震三日、夏四
 月甲辰朔、日有食之、七日庚戌、敕右大辨下
 毛野古麻呂等、始講新令、使諸王百官就習
 之、十五日戊午、奉幣諸社、祈雨、名山大川、罷
 田領、委國司巡檢、五月五日丁丑、天皇觀走
 馬、
○按日本紀端午節宴始見天智帝四年
 本書是年書觀走馬而聖武帝紀以後屢
 書觀獵騎觀騎射蓋騎射二十七日己亥始
 權與于此故此後不書
 改勤位己下號、六月壬寅朔、令道首名講僧

尼令于大安寺、二日癸卯、始補内舍人九十人、八日己酉、敕凡庶務一依新令、國宰郡司、貯置大稅、必須如法、如有闕怠、隨事科斷、是日遣使宣告七道、并頒新印樣、十六日丁巳、宴王親及侍臣於西高殿、二十五日丙寅、令四畿内祈雨、免今年調、二十九日庚午、太上天皇幸吉野離宮、秋七月十日辛巳、還宮、二十一日壬辰、敕親王已下、視其官位、賜食封、又論敘壬申功臣、賜食封有差、是日、左大臣

多治比島薨、八月三日癸卯、律令成、三品刑部親王、正三位藤原不比等已下、賜物有差、八日戊申、遣明法博士於東海、東山、南海、北陸、山陰、山陽、六道、講新令、九日己酉、皇親年滿者、不論有官無官、定祿廩之制、十四日甲寅、播磨淡路紀伊言、太風海溢、傷損田畝、遣使巡恤、造行宮及御船於河内、攝津紀伊、二十一日辛酉、參河遠江相模近江信濃越前佐渡但馬伯耆出雲備前安藝周防長門紀

伊讚岐伊豫蝗、大風發屋損稼、二十六日丙寅、廢高安城、令諸國加差衛士、配衛門府、九月九日戊寅、遣使諸國、賑恤百姓、十八日丁亥、天皇幸紀伊、冬十月八日丁未、遂至武漏溫泉、九日戊申、從官及國郡司等進階賜衣、衾、高年賜稻、免今年租調、曲赦本郡、十九日戊午、車駕還宮、○萬葉集曰、十月太上天皇幸紀伊、據本書九月天皇幸紀伊、至是還宮、而無太上天皇行二十日己幸之文、太上二字疑衍、故不取、十一月未、免從駕騎士今年調庸、擔夫田租、十一月

四日壬申、大赦天下、八日丙子、始任造大幣司、九日丁丑、令彈正臺巡察畿內、十二月十日戊申、賜諸王卿帑樣、二年壬寅、春正月己巳朔、天皇御大極殿受朝、親王及大納言已上、始著禮服、諸王臣已下著朝服、十五日癸未、宴羣臣於西閣、奏樂賜物、二月戊戌朔、始頒新律於天下、二十三日己未、歌斐獻梓弓五百張、以充太宰府、三月八日乙亥、始頒度量於天下、十二日己卯



大祓大安殿鎮之、天皇御新宮正殿、齋戒頒幣帛於天下諸社、十七日甲申、令大倭修二槻離宮、割越中四郡屬越後、二十三日庚寅、徙美濃多伎郡民七百十六口于近江蒲生郡、二十七日甲午、信濃獻梓弓一千二十張、以充太宰府、夏四月三日庚子、申禁賀茂祭日騎射、但本國之人不在禁限、八日乙巳、飛驒獻神馬、大赦天下、其國司目以上、進位賜物、百姓給復三年、親王以下、畿內有位者、賜

物、免諸國今年田租、減庸之半、十日丁未、秦廣庭獻杠谷樹八尋鉾根、遣使于伊勢、奉大神宮、十三日庚戌、詔定諸國國造之氏、十五日壬子、令筑紫七國及越後貢采女兵衛、但陸奧勿貢、五月二十一日丁亥、敕從三位大伴安麻呂、正四位下粟田真人、從四位上高向麻呂、從四位下毛野古麻呂、小野毛野參議朝政、六月六日壬寅、復大倭吉野宇智二郡百姓、乙丑晦、先是遣唐使粟田真人等、

會風浪留筑紫至是乃發秋七月四日己巳
敕禁親王乘馬入宮門十日乙亥詔内外文
武官講習新令美濃大野郡人獻八蹄馬賜
稻一千束十一日丙子行幸吉野離宮乙未
晦始講律是日赦天下八月丙申朔薩摩多
嶺隼人叛發兵討之遂檢戶置吏五日庚子
駿河下總大風八日癸卯震日本武尊墓遣
使祭之九月乙丑朔日有食之十四日戊寅
討薩摩隼人軍士授勳各有差十九日癸未

遣使伊賀伊勢美濃尾張參河營行宮二十
三日丁亥大赦天下冬十月三日丁酉奉幣
帛於太宰所部神九社以賽平隼人唱更國
司等請要害之地建柵置戍許之○本書註
曰唱更今
薩摩國也十日甲辰太上天皇幸參河免諸國今
年田租○按上文四月免諸國今年田租此
亦云爾蓋嚮所免者接近飛驒之諸
國而此所免者車十一日乙巳近江獻嘉禾
駕所歷之諸國乎異畝同穎十四日戊申頒律令於天下二十
一日乙卯詔上自曾祖下至玄孫奕世孝順

者舉戶給復表旌門閭以爲義家十一月二十五日戊子太上天皇至自參河所過國郡司及百姓授爵賜物免從駕騎士調十二月二日甲午敕九月九日十二月三日先帝忌日諸司宜廢務六日戊戌星晝見十日壬寅始闢美濃岐蘇山道十三日乙巳太上天皇不豫大赦天下度一百僧令四畿內講金光明經二十二日甲寅太上天皇崩二十五日丁巳設齋四大寺二十九日辛酉殯于西殿

是歲因幡伯耆隱岐蝗越後上野疫給醫藥駿河伊豆下總備中阿波飢遣使存恤

三年癸卯春正月癸亥朔廢朝王卿百官拜大行天皇殯宮二日甲子遣正六位下藤原房前于東海道從六位上多治比三宅麻呂于東山道從七位上高向大足于北陸道從七位下波多余射于山陰道正八位上穗積老于山陽道從七位上小野馬養于南海道正七位上大伴大沼田于西海道巡省政績

申理冤枉五日丁卯為大行天皇設齋于大
 安藥師元興弘福四寺九日辛未新羅使來
 赴其國王喪二十日壬午以三品刑部親王
 知太政官事二月三日乙未○本書乙作丁
今推前後于支
訂詔賞定律令功賜下毛野古麻呂伊吉博
 德等田及封戶有差十一日癸卯為大行天
 皇設齋于四大寺及四天王山田等三十三
 寺三月十日辛未詔四大寺讀大般若經度
 一百僧夏四月二日癸巳為大行天皇設齋

西殿閏月辛酉朔大赦天下右大臣阿倍御
 主人薨秋七月五日甲午以災異頻見年穀
 不登詔減京畿及太宰府管内諸國調半免
 天下之庸又詔五位已上舉賢良方正之士
 十三日壬寅讀金光明經於四大寺十七日
 丙午近江山焚遣使祈雨名山大川九月二
 十二日庚戌以從五位下波多廣足為遣新
 羅大使冬十一月十六日癸卯太政官處分
 巡察使所上諸國郡司等有治能者式部依

令稱舉有過失者刑部依律推斷十二月二十六日壬午葬持統天皇是歲相模上野信濃疫給醫藥○按一代要記帝王編年記是歲始置東西市未知何據慶雲元年甲辰春正月七日癸巳以大納言石上麻呂為右大臣二十五日辛亥始停百官跪伏之禮二月丙辰朔日有食之夏四月九日甲子鑄諸國印十五日庚午以信濃所獻弓一千四百張充太宰府五月十日甲午備前獻神馬慶雲見西樓上詔大赦天下改

元○水鏡曰五月五日大極殿西樓上慶雲見一代要記曰五日慶雲見十日改元

賑恤高年老疾免壬寅年以往大稅及出神馬郡今年調親王諸王百官使部已上賜祿有差六月三日丁巳敕諸國兵士團別分為十番教習武藝十一日乙丑河內女子一產三子賜絕綿布十五日己巳阿波獻木連理二十二日丙子奉幣諸社祈雨秋七月甲申朔粟田真人等至自唐三日丙戌左京職獻白燕下總獻白鳥九日壬辰遣使祈雨諸社

十九日壬寅詔賑恤京師高年八十已上者
二十一日甲辰奉幣住吉社八月三日丙辰
波多廣足至自新羅二十八日辛巳周防大
風損稼冬十月五日丁巳詔以旱澇不稔免
今年田租徭役九日辛酉以正六位上幡文
通為遣新羅大使十一月八日庚寅遣使伊
勢奉幣帛鳳凰鏡窠子錦于大神宮十一日
癸巳為持統帝設齋諸寺○本書庚寅條在
癸巳下今推甲子
之敘二十日壬寅始定藤原宮地民宅入宮地

者一千五百五戶賜布有差○皇代略記並曰

大寶二年遷都又云一說慶雲九年始造平
城宮三年三月遷都今據本書是歲始定藤
原宮地而不載遷都事和銅三年二月十日
年元明帝遷都平城二書誤矣

辛酉奉幣諸社二十日辛未太宰府言大風
傷稼是歲伊賀伊豆信濃疫並給醫藥武藏
讚岐饑備中備後安藝阿波苗損並賑恤之
伊勢伊賀蝗年元明帝遷都平城二書誤矣
二年乙巳春正月十五日丙申宴文武百寮
于朝堂三月四日癸未行幸倉橋離宮夏四



大日本史 卷之三十一
月三日壬子詔曰朕以菲薄之躬託于王公
之上不能德感上天仁及黎庶遂令陰陽錯
謬水旱失時年穀不登民多菜色每念於此
惻怛於心宜令五大寺讀金光明經爲救民
苦勿收天下今年舉稅之利並減庸之半五
日甲寅遣使巡省天下諸國十七日丙寅敕
省大納言二員更置中納言三人五月八日
丙戌知太政官事忍壁親王薨二十五日癸
卯幡文通至自新羅六月二十七日乙亥奉

幣諸社祈雨二十八日丙子太政官奏比日
亢旱田園焦枯雖久雩祈未蒙嘉澍請使京
畿淨行僧等祈雨罷市塵塞南門從之秋七
月二十九日丙午大倭大風八月十一日戊
午詔曰陰陽失度炎旱彌旬百姓飢荒或陷
罪網宜大赦天下與民更新死罪已下罪無
輕重咸赦除之老疾鰥寡惇獨不能自存者
量加賑恤其八虐常赦所不免者不在赦限
免諸國調之半九月五日壬午以三品穗積

親王知太政官事二十六日癸卯越前獻赤
鳥國司并出瑞郡司進位一階百姓給復一
年獲瑞者授從八位下并賜純綿布歛各有
差冬十月二十六日壬申遣使東海東山北
陸山陰南海五道賑恤高年老疾鰥寡惇獨
免今年調之半丙子晦新羅貢調十一月四
日庚辰詔加親王諸臣食封有差停五位食
封易以位祿十二月十九日乙丑重制天下
婦女自非神部齋宮宮人及老嫗皆髻髮是

歲諸國二十飢疫給醫藥賑恤之

三年丙午春正月十七日壬辰定大射祿法
閏月五日庚戌京畿及紀伊因幡參河駿河
疫給醫藥是日搜捕盜賊十三日戊午奉新
羅調於伊勢神宮及七道諸社二十日乙丑
以天下疾疫禱祈神祇二月十六日庚寅河
內攝津出雲安藝紀伊讚岐伊豫飢賑恤之
詔定羣臣食封下制七條二十三日丁酉行
幸內野二十六日庚子索捕京畿盜賊三月

十三日丙辰、右京女子一產三子、賜衣糧乳
母、十四日丁巳、詔曰、夫禮者天地經義、人倫
鎔範也、道德仁義、因禮乃弘、教訓正俗、待禮
而成、比者諸司儀容、多違禮節、加以男女無
別、集會無度、又聞京城內外、多有穢鼻、良由
所司不存檢察、自今以後、兩省五府、遣官吏
衛士、嚴加捉搦、隨事科決、其不可罪者、錄狀
以聞、又詔曰、軒冕之徒、受代耕之祿、有秩之
類、無妨於農畝、是所以召伯憇甘棠、公儀拔

園葵、頃者王公諸臣、多占山澤、競懷貪婪、有
芻蕘者至、輒奪其器、加以賜地、實不過一二
畝、而由是冒占、踰峰跨谷、私爲疆界、自今以
後、不得更然、夏四月壬寅、晦、河內出雲、備前
安藝、淡路、讚岐、伊豫、飢疫、遣使賑恤、五月十
五日丁巳、河內獻白鳩、賜獲者絁絲、鍤正稅
三百束、六月癸酉朔、日有食之、四日丙子、祈
雨、京畿名山、大川、秋七月二十四日乙丑、丹
波、但馬、山焚、遣使奉幣、神祇鎮之、大倭狹嶺

山焚二十八日己巳周防獻白鹿東海東山
北陸山陰山陽南海六道飢遣使賑給之太
宰府言九國三島亢旱大風拔樹損稼遣使
巡省免遭災甚者調役八月三日甲戌越前
言山焚遣使奉幣部內神救之二十一日壬
辰以從五位下美努淨麻呂為遣新羅大使
二十九日庚子遣三品田形內親王侍大神
宮九月十五日丙辰遣使七道始定田租法
二十五日丙寅行幸難波冬十月十二日壬

午還宮攝津山背國造等各進位一階十五
日乙酉免從駕諸國騎兵庸調田租十二月
辛未朔日有食之九日己卯敕令天下脫脛
裳著白袴是歲諸國疾疫百姓多死始作上
牛大儼本朝諸國造等入諸國
四年丁未春二月六日乙亥○本書為正月
今推甲子正月
庚子朔無乙亥戊子甲午二
月庚午朔干支皆合故訂之以諸國疫遣使
大祓十九日戊子詔羣臣議遷都二十五日
甲午天皇御大極殿詔授成選人等位夏四

月十三日庚辰、以日並知皇子尊薨日、始入國忌、十五日壬午、詔增大納言藤原不比等封、又增封親王以下四位以上、及內親王諸王、嬪命婦等有差、二十九日丙申、天下飢疫、賑恤之、奉幣諸社、讀經京畿及諸國佛寺、五月十六日癸丑、美濃女子一產三子、賜穀乳、母二十一日戊午、畿內霖雨損苗、遣使賑貸、二十八日乙丑、美努淨麻呂至自新羅、六月丁卯朔、日有食之、十五日辛巳、天皇崩、年二

十五、子據懷風藻水鏡一代要記神皇正統記愚管鈔遺詔、舉哀三

日、凶服一月、謚曰倭根子天之真宗、豐祖父

天皇、天之一真宗、據本書前後文、○歷代天皇紀、一代要記、作天津足根大父天皇、火

葬飛鳥岡、葬檜隈安古山陵、○延喜式曰、檜前安古岡上陵

追謚曰文武天皇、

大日本史卷之十三終

大日本史卷之十四

元明天皇

元明天皇

元明天皇

元明天皇

元明天皇

元明天皇

元明天皇

元明天皇

大日本史卷之十四

本紀第十四

權中納言從三位源光圀

校

男權中納言從三位綱條

校

玄孫權中納言從三位治保重校

元明天皇

元明天皇小名阿閉天智帝第四女也母姪

娘天皇適岡宮天皇草壁生文武元正二帝

慶雲三年十一月文武帝不豫請天皇居皇

位、天皇謙讓固辭、四年六月、文武帝崩、二十
 四日庚寅、天皇御東樓、召八省卿及五衛督
 率等、告依遺詔攝萬機、秋七月五日庚子、有
 事于大内山陵、六日辛丑、遣使太宰府、授南
 島人位、賜物各有差、錯在壬子辛丑二條、本書
 十七日壬子、即天皇位於大極殿、鈔、按愚管
 紀、為六月十五日、蓋以年四十七、崩年六十
 受遺詔之日、為即位也、年四十七、崩年六十
 一之文、○按水鏡作三十、
 六、一代要記四十九、並誤、知太政官事、總積
 親王、右大臣石上麻呂並如故、補公卿是日詔

大赦天下、賜高年布粟有差、復京師畿内、及
 太宰所部今年調、諸國今年田租、二十一日
 丙辰、始置授刀舍人寮、冬十一月二日丙申、
 賑恤志摩、二十日甲寅、葬文武天皇、十二月
 乙丑朔、日有食之、四日戊辰、以伊豫疫給藥、
 二十七日辛卯、詔曰、為政之道、以禮為先、無
 禮言亂、言亂失旨、往年有詔、停跪伏之禮、内
 外廳前、皆不嚴肅、進退無禮、陳荅失度、是則
 官司不恪、自忘禮節之所致也、自今以後、宜

嚴加糾彈、革其弊俗、使歸淳風、
和銅元年戊申、春正月十一日乙巳、武藏秩
父郡獻和銅、宣詔改元、大赦天下、賜高年百
姓百歲以上粟三斛、九十以上二斛、八十以
上一斛、孝子順孫、義夫節婦、表其門閭、優復
三年、賜鰥寡、惻獨不能自存者粟一斛、百官
賜物有差、諸國郡司加位一階、但正六位上
以上不在其限、免武藏今年庸木、郡調授四
品、施基親王三品、從二位石上麻呂、藤原不

比等以下、進位有差、二月十一日甲戌、始置
催鑄錢司、十五日戊寅、詔曰、朕祗奉上玄、君
臨宇內、以菲薄之德、處紫宮之尊、常以為作
之者勞、居之者逸、遷都之事、未必遑議也、而
王公大臣咸言、往古已降、至于近代、測日瞻
星、起宮室之基、卜世相土、建帝皇之邑、定鼎
之基、永固無窮之業、斯在、衆議難捐、詞情且
切、况京師者、百官之府、四海所歸、唯朕一人
豈獨逸豫、苟利於物、其可違乎、昔殷王五遷、

受中興之號、周后三定、致太平之稱、方今平
 城之地、四禽叶圖、三山作鎮、龜筮並從、宜建
 都邑、其營構資須、隨事條奏、待秋收後、令造
 橋道、子來之義、勿致勞擾、制度之宜、令後不
 加、三月十二日丙午、以右大臣石上麻呂為
 左大臣、大納言藤原不比等為右大臣、二十
 七日庚申、美濃安八郡女子一產三子、賜稻
 乳母、夏五月十一日壬寅、始行銀錢、二十九
 日庚申、長門言、甘露降、六月二十八日己丑、

詔令都下諸寺轉經、祈天下太平、百姓安寧、

○年中行事曰、是年十月十七日、敕旨起自
 今年、年別一度、讀大般若經、是為季御讀經
 始、一代要記曰、是年二月、始修季御、秋七月
 讀經、然本書所不載、故附此、以備考、

十四日甲辰、隱岐霖雨、大風、遣使賑恤、十七
 日乙巳、召見百官、面加慰勉、敕曰、朕聞忠清
 守臣子之分、遂受榮貴、貪濁失臣子之道、必
 被戮辱、是天地之恒理、君臣之明鏡、汝等知
 此意、各守所職、勿有怠緩、能堪時務者、必舉
 而進、亂失官事者、必勿隱諱、因進位、賜文武

職事五位已上物各有差十六日丙午詔賜
 京師僧尼及百姓年八十以上粟百歲二斛
 九十一斛五斗八十一斛八月十日己巳始
 行銅錢九月十四日壬申行幸菅原二十日
 戊寅巡幸平城觀其地形二十二日庚辰行
 幸山背岡田離宮賜所經國司目以上及造
 行宮郡司等物有差免百姓調二十七日乙
 酉至春日離宮免大倭添上下二郡今年調
 二十八日丙戌車駕還宮冬十月二日庚寅

遣使奉幣大神宮告營平城宮十一月己未
 朔日有食之七日乙丑徙菅原民給布穀二
 十一日己卯大嘗十二月五日癸巳鎮祭平
 城宮地是歲山背備前但馬伯耆讚岐疫給
 醫藥○按類聚國史山背下有備後字
 二年己酉春正月二十五日壬午禁私鑄銀
 錢三月五日壬戌以左大辨巨勢麻呂為陸
 奧鎮東將軍民部大輔佐伯石湯為征越後
 蝦夷將軍內藏頭紀諸人為副徵遠江駿河

甲斐信濃上野越前越中兵出自兩道征蝦夷二十三日庚辰始置造雜物法用司夏四月丁亥朔日有食之五月二十日乙亥河內攝津山背伊豆甲斐霖雨損苗是日新羅遣使來貢六月十六日辛丑遣使畿內雫秋七月乙卯朔令諸國輸兵器于出羽柵十三日丁卯令越前越中越後佐渡送舟一百艘于征狄所八月二日乙酉廢銀錢行銅錢二十五日戊申征蝦夷將軍佐伯石湯副將軍紀

諸人等凱旋二十八日辛亥行幸平城宮九月二日乙卯車駕巡撫新京百姓五日戊午至自平城二十六日己卯遠江駿河甲斐常陸信濃上野陸奥越前越中越後兵從役五十日以上給復一年遣使東海東山二道檢察關剋巡省風俗褒國守有政績者賜田穀衣物冬十月癸未朔日有食之十一日癸巳敕造平城宮司其有墳隴遇發掘者隨卽瘞埋普加祭酌十四日丙申制畿內及近江百

姓不畏法律、容隱浮浪及逃亡仕丁等、私以驅使、非獨百姓違慢法令、亦是國司不加懲肅、蠹害公私、莫過于斯、宜諭所部、嚴加檢括、二十八日庚戌、詔比者遷都易邑、動搖百姓、雖加鎮撫、未能安堵、宜免今年租調、十二月五日丁亥、車駕行幸平城宮、是歲上總下總、越中紀伊疫、給藥救之、隱岐饑、賑恤之、三年庚戌、春正月二十九日庚辰、以日向隼人曾君細麻呂、教喻荒俗、馴服政化、詔授外

從五位下、二月二十九日庚戌、初置守山戶

禁伐木、三月十日辛酉、遷都于平城、置左右

京坊

置鏡以下

以左大臣石上麻呂為留守、夏

四月辛巳朔、日有食之、二十二日壬寅、奉幣

諸社、祈雨、名山大川、秋九月十八日乙丑、禁

銀錢、冬十月戊寅朔、日有食之、是歲信濃疫、

給藥救之、參河遠江美濃饑、賑恤之、

四年辛亥、春正月二日丁未、始置都亭驛、夏

四月丙子朔、日有食之、七日壬午、詔授文武

百寮成選者四十六人位

○據年中行事公事根源擬階奏蓋

權輿于此故此後不書

六月二十一日乙未詔曰去年

霖雨麥穗既傷今夏亢旱稻苗殆損憐此蒼

生仰彼雲漢今得膏雨何瑞加之宜與黎元

共賀天心因賜文武百寮物有差閏月十四

日丁巳始遣挑文師于諸國教織錦綾秋七

月甲戌朔詔曰張設律令年月已久然纔行

一二不能悉行良由諸司怠慢不存恪勤遂

使名充負數空廢政事若有違犯而相隱考

第者以重罪之無有所原五日戊寅山背相

樂郡女子一產三男賜絕綿布稻及乳母九

月癸酉朔日有食之二日甲戌詔曰凡衛士

者非常之設不虞之備必須勇健堪為兵者

而悉皆尪弱不習武藝徒有其名而不能為

益如臨大事何任機要傳不云乎以不教民

戰是謂棄之自今以後專委長官簡點勇敢

便武之人每歲代易焉四日丙子敕頃聞諸

國役民勞於造都奔亡相踵雖禁不止方今

宮垣未成、防守不備、宜權立軍營、禁守兵庫、因以從四位下石上豐庭、從五位下紀男入粟田必登等為將軍、冬十月二十三日甲子、始依品位、定其祿法、十一月二十二日壬辰、詔貸大稅於諸國三年、勿收其利、出舉私稻者、息不得過半、又賜畿內百姓年八十以上、及孤獨不能自存者衣食、十二月二日壬寅、以大初位上丹波千足等八人、偽造外印、私與人位、流于信濃、六日丙午、詔親王以下及

豪強之家、多占山野、妨民產業、自今而後、嚴加禁斷、若有可墾闢者、宜告國司、聽官處分、是歲、大倭佐渡飢、賑恤之、尾張疫、給醫藥、按○

帝王編年記曰、是歲藤原宮火、然本書所不載、故不取、

五年壬子、春正月十六日乙酉、詔曰、諸國役民、還鄉之日、食糧絕乏、多餓道路、轉填溝壑、國司宜務加撫養、以賑恤之、如有死者、宜瘞葬之、錄其姓名、報知本屬、二十三日壬辰、廢河內高安烽、始置高見烽、及大倭春日烽、以

達平城、二十八日丁酉、正五位上太安麻呂
上古事記、二十八日以下、二月十九日戊午、
詔賜京畿高年鰥寡惇獨、及僧尼老者、絕綿
米鹽有差、三月三日壬申、行幸春日山宮、三
以下、年十九日戊子、美濃獻木連理及白雁、
夏五月十三日辛巳、詔諸國大稅、三年賑貸
者、本爲濟百姓窮乏也、今國郡司及里長等、
因緣弄法、害政蠹民、莫斯爲甚、其爲姦利者、
以重論之、罪在不赦、十七日乙酉、詔諸司主

典以上、諸國朝集使等曰、制法以來、年月淹
久、未熟律令、多所愆失、若有違令者、據律科
斷、彈正每月三度巡察諸司、糾正非違、若有
廢闕者、具狀移送式部省、又國司欲奏事宜、
擇幹事者充使、隨問辨析、不得礙滯、若不盡
者、所由官人及使人、並準上科斷、自今以後、
每年遣巡察使、檢校國內豐儉得失、使者宜
意存公平、直告無隱、若有經問發覺者、科斷
如前、凡國司每年實錄官人功過行能、皆附

考狀送式部省省宜勘會是月駿河疫給藥
 六月七日乙巳地震秋七月十五日壬午伊
 賀獻玄狐八月二十三日庚申行幸高安城
 九月三日己巳詔曰朕聞歲在子穀不登而
 天地垂祐今茲大稔况復伊賀國司所獻黑
 狐殆協上瑞古有言曰祥瑞之美無以加豐
 年又曰王者治致太平則玄狐見思與衆庶
 共此歡慶宜大赦天下進伊賀國司位一階
 免出瑞郡庸獲者給復三年免諸國今年田

租及大倭河内山背調十九日乙酉以從五
 位下道首名爲遣新羅大使二十三日己丑
 太政官議奏建國闢疆武功所貴設官撫民
 文教所崇嚮者北道蝦狄遠憑險阻實縱狂
 心屢侵邊境自官軍雷擊凶賊霧消狄部晏
 然皇民無擾誠望便乘時機遂置一國式樹
 司宰永鎮百姓奏可於是始置出羽國○按
要記歷代皇紀並云是月始置出雲國蓋出
羽之訛也要記又云四年七月始置出羽國
亦是歲造鷹居社於豐前宇佐郡奉祀八幡

大神、是歲以下、宇佐、託宣集、○按造營神宮、

遣使造宮、宇佐郡馬城峰、宇佐八幡宮、是也、

又曰、欽明帝十三年正月、神靈始見、一書、予

盾、其說、繆妄、不足採、託宣集、神靈始見、正統記、並

曰、欽明帝三十二年二月、神靈始見、於肥後、

菱形池、憑語曰、八幡大神、而無造宮之文、託

宣集、又曰、聖武帝、神龜元年、遣使開小倉山、

造宮殿、二年正月、移神座、奉神戶、建彌勒寺、

及鐘樓、而其鐘樓、彌勒寺、今見在、宇佐宮、蓋

是年始造、鷹居社、至聖武時、移於宇佐、鷹居

社、即為宇佐宮、決可知矣、但本書無明文、至

天平九年、始書、筑紫、住吉、八幡、貴、其、無、

六年癸丑、春正月四日、戊辰、備前獻白鳩、伯

耆獻嘉瓜、左京職獻稗化為禾、二月甲午朔、

日有食之、夏四月三日、乙未、割丹波五郡、置

丹後國、割備前六郡、置美作國、割日向四郡、

置大隅國、十六日、戊申、頒新格及權衡度量

於天下、五月二日、甲子、制畿內七道諸國郡

鄉之名、務用佳字、其郡內所產、銀銅彩色、草

木鳥獸魚蟲等物、具錄色目、其土地沃瘠、山

-11 158 31 850" data-label="Text">

川原野、名號所由、及耆老所傳、舊聞異事、皆

-69 158 11 850" data-label="Text">

載籍奏上、○按一代要記、歷代皇紀、並曰、五

-127 158 69 850" data-label="Text">

是歲、救撰、諸國風土記、僧仙覺、萬葉集、鈔、曰、

-175 158 127 850" data-label="Text">

村里之名、定用二字、蓋謂此也、七日、己巳、制

-213 158 175 850" data-label="Text">

大日本書紀

-251 158 213 850" data-label="Text">

卷十四

-289 158 251 850" data-label="Text">

本紀

-327 158 289 850" data-label="Text">

十一

郡司大少領以終身為限、非遷代之任、而不善國司情、有愛憎、以非為是、強使致仕、奪理解却、自今以後、不得更然、若齡及從心、氣衰神昏、或罹痼疾、不堪時務者、請歸田養身、於理合聽、須得手書、陳牒所司、待其處分、撰擇替補、二十五日丁亥、始令山背點乳牛戶五十、六月二十三日乙卯、行幸甕原離宮、二十六日戊午、還宮、秋七月五日丙寅、詔曰、授以勳級、元由有功、若不優異、何以勸獎、今討隼

賊將軍及士卒有功者、一千二百八十四人、宜隨勞授勳、六日丁卯、大倭宇太郡人得銅鐸於長岡野地而獻之、其制異常、音協律呂、八月十日辛丑、道首名至自新羅、二十四日乙卯、大風拔木發屋、九月十九日己卯、詔免和銅四年以前公私出舉稻粟未償者、冬十月八日戊戌、還收諸寺多占田野、其數過格者、十一月辛酉朔、伊賀伊勢尾張參河出羽言、大風損稼、免調庸、十六日丙子、大倭獻嘉

蓮、近江獻木連理、但馬獻白雉、十二月十六日乙巳、近江言慶雲見、丹波獻白雉、曲赦二國、是歲大倭志摩大隅疫、給藥讚岐饑賑之、七年甲寅春正月三日壬戌、益二品長親王、舍人親王、新田部親王、三品施基親王、封各二百戶、從三位長屋王、一百戶、全給食封田、租自此始矣、二月己丑朔、日有食之、十日戊戌、詔從六位上紀清人、正八位下三宅藤麻呂、撰國史、本書無正八位下四字、據類聚國史日本紀略補之、十四日

壬寅遣使七道、錄囚徒、閏月二十二日己卯、行幸甕原離宮、夏五月二十七日癸丑、土左女子一產三子、賜穀乳母、六月二十三日戊寅、詔曰、頃者陰陽舛謬、氣序乖違、南畝方興、膏澤未降、宜以幣帛奉諸社、祈雨名山大川、庶致嘉澍、勿虧農桑、二十五日庚辰、立皇孫為皇太子、加元服、○本書書皇太子加元服、而無冊立之文、聖武紀七年六月立為皇太子、一代要記二十八日癸歷代皇紀、並係是日、故今從之、未、大赦天下、賜高年百歲以上穀五斛、九十

以上三斛、八十以上一斛、孝子順孫義夫節婦、表其門閭、終身勿事、鰥寡惇獨、篤癯不能自存者、所司量加賑恤、冬十月乙卯朔、美濃武藏下野伯耆播磨伊豫大風、免今年租調、十二月二十六日己卯、新羅朝貢、八年乙卯春正月甲申朔、天皇御大極殿、皇太子始拜朝、陸奧出羽蝦夷南島奄美夜久、度感信覺球美等人來朝、貢獻方物、列鼓吹騎兵於朱雀門、元會設鉦鼓、自是始矣、是日

慶雲見東方、遠江獻白狐、丹波獻白鴿、十日癸巳、以皇太子始拜朝、瑞雲見、詔大赦天下、親王以下、内外文武官、進位各有差、三月壬午朔、行幸甕原離宮、夏四月九日庚申、充櫛見山陵、守陵三戶、伏見山陵四戶、五月辛巳朔、敕諸國朝集使曰、天下百姓多背本貫、流寓他鄉、規避課役、其淹留踰三月者、即土斷輸調庸、從當國法、又撫導百姓、勸課農桑、心存字育、能救饑寒、國郡之善政也、身在公廷、

心顧私門、妨奪農業、侵牟萬民、國家之大蠹也、其催勸產業、資產豐足者為上等、雖加催勸、衣食乏匱者為中等、田疇荒廢、百姓飢寒、因致死亡者為下等、十人以上、須解見任、又四民之徒、各有其業、今失職流亡、是由國郡司教導無方也、有如此類、必加顯戮、自今而後、遣巡察使于天下、觀省風俗、宜勤敦德政、庶彼周行、其諸國百姓、往來過所、宜用本國印、十二日壬辰、伯耆言、甘露降、十四日甲午、

詔曰、凡諸國運輸調庸、各有期限、今國司怠慢違期、遂妨農事、運送之民、仍致勞擾、自今以後、有如此類、以重論之、又海路漕庸、輒委蠢民、或已漂失、或多濕損、是由國司不遵先制所致也、自今以後、不改者、節級科罪、所損之物、即徵國司、又五兵之用、其來尚矣、服強懷柔、咸憑武德、今六道諸國、造營器仗、不甚牢固、臨事何用、自今以後、每年貢樣、巡察使出日、審為校勘、二十五日乙巳、遠江地震、山

崩、麤玉河壅、二十六日丙午、參河地震、正倉
 壞者四十七所、百姓廬舍多陷沒、庚戌晦、徒
 相模上總常陸上野武藏下野富民一千戶、
 配陸奧、六月四日甲寅、一品長親王薨、○按長親
王前此未敘一品、今從舊文、說見皇子傳、十二日壬戌、太政官奏
 懸象失度、亢旱彌旬、恐東臯不耕、南畝損稼、
 昔者周王遇旱、有雲漢之詩、漢帝祈雨、降改
 元之詔、人君之誠、載感上天、請奉幣帛、祈於
 諸社、十三日癸亥、設齋於弘福法隆二寺、詔

遣使奉幣帛於諸社、祈雨、名山大川、不數日
 澍雨滂沱、時人以為聖德所感、因賜百官祿、
 各有差、是夏、攝津志摩武藏越前丹波丹後
 紀伊饑、賑貸之、秋七月庚辰朔、日有食之、十
 日己丑、地震、本書脫地字、據類聚國史補之、行幸甕原離宮、
 二十七日丙午、○公卿補任、知太政官事一
 品穗積親王薨、八月二十八日丁丑、左京人
 獻靈龜、九月二日庚辰、詔曰、乾道統天、文明
 於是馭寓、大寶曰位、宸極所以居尊、昔者揖

讓之君、旁求歷試、干戈之主、繼體承基、貽厥
後昆、克隆鼎祚、朕君臨天下、撫育黎元、蒙上
天之保佑、賴祖宗之遺慶、海內晏靜、區夏安
寧、然而兢兢之志、夙夜不怠、翼翼之情、日慎
一日、憂勞庶政、九載于茲、今精華漸衰、耄期
將至、深求間逸、高蹈風雲、釋累遺塵、將同脫
屣、欲以神器讓皇太子、而年齡幼稚、未離深
宮、庶務多端、一日萬機、一品水高內親王、早
叶祥符、夙彰德音、天縱寬仁、沈靜婉孌、華夏

載佇、謳訟知歸、今傳皇帝位于內親王、公卿
百寮、宜悉祗奉、以稱朕意焉、是日、傳位于水

高內親王、養老五年五月、不豫、十二月七日

己卯、崩於中安殿、

○水鏡為四日、按一代要

略記、五月落髮、然本

書所不載、故不取、年六十一、遺詔右大臣

長屋王、參議藤原房前曰、朕聞萬物之生、靡
不有死、則天地定理、奚可悲哀、厚葬破業、重
服傷生、朕甚不取焉、朕崩之後、宜於大倭國
添上郡藏寶山、雍良岑、造竈火葬、謚號稱某

國某郡朝廷馭宇天皇傳示後世皇帝綜理
 萬機一同平日王侯卿相文武百官不得輒
 離職掌追隨喪車各守本司視事如恒其近
 侍官及五衛府務加警衛以備不虞又詔葬
 事所須一依前敕勿致闕失輜車靈駕不得
 刻鏤金玉繪飾丹青素薄是用卑謙是從丘
 體無鑿就山作竈芟棘開場即為葬地植常
 葉之樹立刻字之碑葬椎山陵○延喜式曰
 奈保山東陵
 謚曰日本根子天津御代豐國成姬天皇追

謚曰元明天皇

大日本史卷之十四終

[Faded text in columns]

大日本史卷之十五

本紀第十五

權中納言從三位源光圀 修

男權中納言從三位綱條 校

玄孫權中納言從三位治保重 校

元正天皇

元正天皇諱冰高

○日本紀冰高作日高、大安寺緣起帝王編年記、皇

胤紹運錄一名新家、紀一名以下、日本文武帝

之姊也神識深沈言必典禮為內親王位二



品、食封一千戶、和銅八年正月、進敘一品、九

月二日、庚辰、受元明帝禪、即天皇位于大極

殿時年三十六、○年據本書崩年六十九之文

要記、皇年代略記、三十五、左大臣石上麻呂、

右大臣藤原不比等、並如故、左大臣以下是

日、詔以獲瑞龜、改和銅八年為靈龜元年、大

赦天下、

靈龜元年乙卯、冬十月七日乙卯、詔曰、國家

隆泰、要在富民、富民之本、務在貨食、故男勤

耕耘、女修紵織、家有衣食之饒、人生廉恥之

心、刑措之化、爰興太平之風、可致凡厥吏民、

豈不勗諸、今諸國百姓、惟趣水澤之種、不知

陸田之利、或遭滂旱、更無餘穀、秋稼若罷、多

致饑饉、非惟百姓懈懶忘業、○忘業二字、據類聚三代格補

之、良由國司不存教導、宜令百姓兼種麥、禾、

凡粟之為物、支久不敗、於諸穀中、最為精好、

宜以此狀、遍告天下、盡力耕種、莫失時候、自

餘雜穀、任力課之、若有百姓輸粟轉稻者、聽

之十二月己酉朔日有食之十一日己未常
 陸久慈郡女子一產三男賜穀乳母
 二年丙辰春正月戊寅朔以雨廢朝四日辛
 己地震夏四月十三日戊午雨霰十九日甲
 子割河内大鳥和泉日根三郡置和泉監五
 月十六日辛卯移元興寺于左京二十八日
 癸卯送弓五千三百七十四張于太宰府秋
 八月九日壬子二品志貴親王薨○本書曰甲寅薨甲寅
 寅十一日也按本書光仁紀寶龜二年始設
 田原天皇八月九日忌齋三代實錄國忌廢

置亦為九日蓋九日薨而十一日奏之故本
 書係甲寅今定為九日萬葉集為靈龜元年
 九月薨二十日癸亥以從四位下多治比縣
 誤矣守為遣唐押使從五位上阿倍安麻呂為大
 使正六位下藤原馬養為副使九月四日丙
 子以從五位下大伴山守代安麻呂為遣唐
 大使二十三日乙未徙陸奥置賜最上二郡
 信濃上野越前越後百姓各百戶隸出羽冬
 十月二十日壬戌申禁内外諸司薄紗朝服
 六位已下羅幘頭十一月十九日辛卯大嘗

閏月癸卯朔、日有食之、
養老元年丁巳、春二月十一日壬午、行幸難
波宮、十五日丙戌、行至和泉宮、十九日庚寅、
還至竹原井頓宮、二十日辛卯、車駕還宮、二
十六日丁酉、配信濃上野越前越後百姓各
一百戶於出羽柵、三月三日癸卯、左大臣石
上麻呂薨、夏四月六日乙亥、遣久勢女王侍
大神宮、十四日癸未、太政官奏定調庸斤兩
長短法、十七日丙戌、祈雨畿內、二十三日壬

辰、詔禁遏僧徒濫惡、二十五日甲午、天皇御
西朝、大隅薩摩隼人奏風俗歌舞、授位賜祿、
各有差、五月十七日丙辰、詔曰、率土百姓、浮
浪四方、規避課役、遂仕王臣、或望資人、或求
得度、王臣不經本屬、私自驅使、囑請國郡、遂
成其志、因茲流寓天下、不還鄉里、若有斯輩、
輒私容止者、揆狀科罪、並如律令、二十二日
辛酉、頒大計帳、四季帳、六年見丁帳、青苗簿、
輸租帳等式於七道、六月己巳朔、右京女子

一產三女、賜衣糧、乳母自四月不雨至是月、
 秋九月十一日丁未、行幸美濃、十二日戊申、
 行至近江、觀淡海、是日、山陰山陽南海道諸
 國司等、詣行在所、奏風俗歌舞、十八日甲寅、
 至美濃、東海東山北陸道諸國司等、奏風俗
 雜伎、二十日丙辰、幸當耆郡、觀多度山美泉、
 二十七日癸亥、還至近江、二十八日甲子、車
 駕還宮、冬十月二十一日丁亥、以從四位下
 藤原房前、參議朝政、十一月丁酉朔、日有食

之、八日甲辰、高麗百濟二國士卒避亂投化

者、給復終身、十七日癸丑、○水鏡作七日、一

記作十一日、並誤、天皇臨軒詔曰、朕以今年九月、至

美濃國、不破行宮、觀當耆郡多度山美泉、親

盥手面、皮膚如滑、洗澡疾痛、莫不除愈、又就

而飲浴之者、或白髮反黑、或昏目加明、自餘

痼疾、咸皆平愈、嘗聞後漢光武時、醴泉出、飲

者病愈、符瑞書曰、醴泉者美泉也、可以養老、

蓋水之精也、寔惟美泉、即合大瑞、朕雖庸虛、

何違天貺、可大赦天下、改靈龜三年為養老元年、天下老人年八十以上、授位一階、賜粟布絕綿各有差、孝子順孫、義夫節婦、表其門閭、終身勿事、鰥寡惇獨、疾病之徒、不能自存者、量加賑恤、使長官親自慰問、給施湯藥、美濃國司當耆郡司、加位一階、復當耆郡明年調庸、餘郡庸百官賜物有差、二十一日丁巳、行幸和泉離宮、○本書還宮日闕免河內今年調、二十一日戊午、詔定絹絕長短闊狹之法、○本書在

丁巳上、今推甲子敘之、

二年戊午、春二月七日壬申、行幸美濃醴泉、三月三日戊戌、還宮、二十日乙卯、以少納言小野馬養為遣新羅大使、夏五月甲午朔、日有食之、二日乙未、割越前四郡、置能登國、割上總四郡、置安房國、割陸奥、○陸奥、本書作常陸、今訂之、十一郡、以六郡置石城國、五郡置石背國、二十七日庚申、定衛士數、國別有差、秋九月二十三日甲寅、秋、據類聚國史補之、移法興寺

於京師冬十一月十二日壬寅彗星守月二十三日癸丑始差畿內兵守衛宮城十二月七日丙寅詔曰朕君臨天下四年于茲上則昊穹下字黎庶庸愚之民自挂疎網有司之法寘于常憲每念於此朕甚愍焉思欲廣開至道遐扇淳風爲惡之徒感深仁以遷善有犯之輩遵令軌以靡風但古來大赦八虐不霑朕恭思爲太上天皇降非常之澤可大赦天下養老二年十二月七日子時以前大辟

以下罪無輕重繫囚見徒私鑄錢及盜賊八虐常赦所不原咸赦除之其廢疾不能自存者量加賑恤兼給湯藥布告天下知朕意焉十三日壬申多治比縣守等至自唐是歲重敕右大臣藤原不比等修律令是歲以下水鏡令義解三年己未春正月庚寅朔以大風廢朝廢朝據類聚國二日辛卯天皇御大極殿受朝二月三日壬戌初令天下百姓右襟職事主典己上執笏十日己巳小野馬養等還自新羅十一

日庚午、行幸和泉宮、十七日丙子、還宮、三月二十六日乙卯、地震、夏五月己丑朔、日有食之、六月十日丁卯、使皇太子始聽朝政、秋七月九日丙申、配東海東山北陸三道民、二百戶於出羽柵、十三日庚子、始置按察使、巡省諸國、閏月七日癸亥、新羅貢調、十一日丁卯、以大外記白猪廣成爲遣新羅使、二十二日丁丑、開義倉、賑恤六道諸國旱飢、冬十月十四日戊戌、減京畿七道諸國軍團及大少毅

兵數有差、十七日辛丑、詔一品舍人親王、二品新田部親王、輔佐皇太子、十二月五日戊子、始定婦女衣服制、四年庚申、春正月甲寅朔、太宰府獻白鳩、十一日甲子、白虹竟天、十七日庚午、熒惑逆行、二十三日丙子、遣渡島津輕津司等於靺鞨國、觀其風俗、二月十五日戊戌、地動、二月以下、類聚國、壬子晦、太宰府奏隼人反、殺大隅國守陽侯麻呂、三月四日丙辰、以中納言大伴旅人

為征隼人持節大將軍、授刀助笠御室、民部少輔巨勢真人為副將軍、十一日癸亥、敕度僧三百二十人、夏五月二十一日癸酉、頒尺樣於諸國、是日一品舍人親王上日本紀、秋七月三日甲寅、賜征西將士物有差、八月辛巳朔、以右大臣藤原不比等病、大赦天下、三日癸未、不比等薨、四日甲申、以舍人親王為知太政官事、新田部親王知五衛及授刀舍人事、十二日壬辰、召持節大將軍、及伴旅人

還京師、

○本書在甲申、上九月庚戌朔、日有

食之、二十日丁丑、陸奧言蝦夷反、殺按察

使上毛野廣人、二十九日戊寅、以播磨按察

使丹治北縣守為持節征夷將軍、左京亮下

毛野石代為副將軍、從五位上阿倍駿河為

持節鎮狄將軍、以討蝦夷、是月始修放生會、

是月以下、水鏡、公事根源、冬十月十七日丙申、始置養民

造器二司、十一月八日丙辰、授南島人二百

三十二人位有差、

五年辛酉春正月戊申朔武藏上野並獻赤
 鳥甲斐獻白狐尾張言小鳥生大鳥三日庚
 戌雷五日壬子以大納言長屋主為右大臣
 二十四日辛未地震二十五日壬申又震二
 十七日甲戌詔文武庶僚自今以去若遇災
 異極言得失又詔文人武士國家所重醫卜
 方術古今斯崇宜擢學業優重堪為師範者
 特加賞賜勸勵後生因賜諸道博士醫術伎
 工等物有差二月七日甲申地震十五日壬

辰大藏省倉鳴二十六日癸巳日暈如白虹
 南北有珥召見左右太辨八省卿等於殿前
 詔曰朕德菲薄導民不明夙興以求夜寐以
 思躬居紫宮心在黔首無委卿等何化天下
 國家之事有益萬機必可奏聞如有不納重
 為極諫汝無面從退有後言二十七日甲午
 詔曰諺云歲在申年每有事故去歲庚申咎
 徵屢見水旱並臻平民流沒秋稼不登國家
 騷然萬姓苦勞加以朝廷儀表藤原大臣奄

然薨逝朕心哀慟况復災異之餘延及今歲風雲氣色有違于常朕心恐懼日夜不休聞之舊典王者政令不便事天地譴責以示咎徵或有不善則致之異今羣臣位高任大豈可不盡忠誠其有政令不便直言盡意無有隱諱朕將親覽於是公卿各仰屬司上意見三月七日癸丑敕曰朕君臨四海撫育百姓思欲家家貯積人人安樂頃者旱澇相仍農桑有損遂使衣食不足致有饑寒言念于茲

良增惻隱今減課役用助產業其在右兩京及畿內五國並免今年之調七道諸國亦停今年之役九日乙卯詔定親王以下至庶人畜馬之限夏四月九日乙酉征夷將軍多治比縣守鎮狄將軍安倍駿河等還京○本書在癸卯下今推干支訂之二十七日癸卯令天下諸國舉力田五月三日己酉太上天皇不豫大赦天下五日辛亥令七道按察使及太宰府巡省諸寺隨便併合六日壬子詔曰太上天皇聖體

不豫寢膳日損每念至此心肝如裂因欲歸
依三寶祈其平復宜簡取淨行男女一百人
得度修道六月十日乙酉太政官奏請以按
察使準正五位官賜祿及公廨田仕丁詔曰
朕之肱股民之父母獨在按察寄重務繫與
羣臣異宜加祿一倍便以當土物準度給之
又陸奧筑紫邊塞之民數遇煙塵疲勞戎役
加以父子死亡室家離散言念於此深以矜
懷宜勿出今年調庸諸國兵衆殺獲逆賊戰

鬪有功者給復二年冒犯矢石致戰死者父
子並復一年如無子者鄉里議其親族亦聽
復之二十六日辛丑割信濃置諏方國秋七
月四日己酉始令文武百官率妻女姊妹會
于六月十二月晦大祓七日壬子征隼人副
將軍笠御室巨勢真人等還京師二十五日
庚午詔曰凡膺靈圖君臨宇內仁及動植恩
被羽毛故周孔之風最先仁愛李釋之教深
禁殺生其放鷹司鷹狗大膳職鷓鴣諸國雞

大日本史 卷十五 本紀 十一

猪悉放本所令遂其生其放鷹司及職長上等並停之九月十一日乙卯天皇御内安殿遣使奉幣帛於大神宮○公事根源以此為紀承和以井上女王為齋内親王冬十二月六日戊寅太上天皇彌留大赦天下令都下諸寺轉經七日己卯太上天皇崩遣使固守三關○按後世有大喪必固三關蓋昉于此故此後不書十三日乙酉葬元明天皇二十九日辛丑地震是月新羅貢調以太上天皇喪從太宰府放還

六年壬戌春正月癸卯朔詔曰朕以不天奄丁凶酷嬰蓼莪之巨痛懷顧復之深慈悲慕纏心不忍賀正朝廷禮儀宜悉傳之二十日壬戌○本書壬戌在庚申以正四位上多治比三宅麻呂誣告謀反流於伊豆島正五位上穗積老指斥乘輿流於佐渡島十八日庚申雷二月壬申朔以正四位下安倍廣庭參議朝政二十七日戊戌賜諸有學術者二十三人田三月壬寅朔日有食之夏四月十六

大日本史 卷十五 本紀 十一

日丙戌、授征討蝦夷隼人將軍已下、及有功
蝦夷譯語人勲位、各有差、二十一日辛卯、詔
曰、朕遐想千載、旁覽九流、布政之方、莫先仁
恕、故賑恤之惠、無隔遐方、撫育之仁、普覃寓
內、今有司奏言、諸國罪人當流已上者、總四
十一人、每聞此奏、朕甚愍之、萬方有辜、在余
一人、所奏罪人、並從坐者、宜咸放免、勿按檢
焉、唐人王元仲造飛舟獻之、五月十日己卯、
以武部大錄津生沼麻呂為遣新羅使、秋七

月三日壬申、客星見閣道側、七日丙子、詔曰、
陰陽錯謬、災旱頻臻、由是奉幣名山、奠祭神
祇、甘雨未降、黎元失業、朕薄德所致、百姓何
罪、宜大赦天下、令國郡司審錄冤獄、掩骼埋
胔、禁酒斷屠、高年之徒、勤加存撫、十日己卯、
太白晝見、十九日戊子、詔曰、朕以庸虛、紹承
鴻業、克己自勉、未達天心、是以今夏無雨、苗
稼不登、宜令天下國司、勸課百姓、種晚禾、蕎
麥、及大小麥、藏置儲積、以備年荒、二十八日

丁酉、太白犯歲星、自五月不雨、至是月、八月十四日壬子、以今年少雨、禾稻不熟、詔免天下諸國田租、二十九日丁卯、令諸國司簡點柵戶一千人、配陸奥鎮所、冬十一月七日甲戌、始置女醫博士、十九日丙戌、詔曰、朕精誠弗感、穆卜罔從、降禍彼蒼、閔凶遘及、太上天皇、奄有普天、誠冀北辰合度、永庇生靈、南山協期、常承定省、何圖一旦、厭宰萬方、白雲在馭、玄猷遂遠、瞻奉寶鏡、痛酷之情、纏懷敬事

衣冠、終身之憂永結、然光陰不駐、儵及忌期、汎愛之恩、欲報無由、不仰真風、何助冥路、其謄寫佛經若干、召僧尼二千、奉百餘人、以十二月七日、設齋於京師畿內諸寺、十二月十三日庚戌、敕造佛像、薦天武帝持統帝冥福、二十三日庚申、津生沼麻呂還自新羅、七年癸亥、春二月二日丁酉、遣僧滿誓於筑紫、造觀世音寺、十四日己酉、詔曰、乾坤持施、燾載之德、以深、皇王至公、亭毒之仁、斯廣、是

以居南面者必代天而闢化儀北辰者亦順時以涵育朕巡京城遙望郊野東候始啓丁壯就隴畝之務時雨漸澍蟄蠢有浴灌之悅何不流寬仁以安黎元布淳化而濟萬物乎宜給戶頭百姓種子布整二十三日戊午鑿矢田池夏四月八日壬寅太宰府言日向大隅薩摩士卒征討隼賊久困軍役加之年穀不登飢寒交迫兵役之後必有饑疫冀降天恩給復三年許之五月九日癸酉行幸芳野

宮十三日丁丑還宮十七日辛巳大隅薩摩隼人朝貢秋八月八日庚子新羅遣使來貢九月九日辛未熒惑入太微左執法冬十月十一日癸卯左京人獻白龜十七日己酉造危村橋二十三日乙卯詔曰頃左京人所獻白龜下所司勘檢圖牒奏稱孝經援神契曰天子孝則天龍降地龜出熊氏瑞應圖曰王者不偏不黨尊用耆老不失故舊德澤流洽則靈龜出是知天地靈貺國家大瑞以朕不

大日本史 卷之十五 本紀 十五

德致此顯貺宜與親王公卿大夫百僚同慶
斯瑞因賜物有差曲赦出龜郡免今年租調
十一月二十七日戊子月犯房無名圖曰
八年甲子春正月壬戌朔以雨廢朝二日癸
亥天皇御大極殿受朝二月四日甲午禪位
於皇太子天平二十年四月二十一日庚申
崩于寢殿年六十九謚曰日本根子高瑞淨
足姬天皇火葬于佐保山陵天平勝寶二年
改葬于奈保山陵○延喜式曰奈保山西陵追謚曰元正

天皇

大日本史卷之十五終

大日本史 卷之十五 本紀 十五

此日本史卷之十五終
 高橋國傳初有記出無因也
 其下所記一七也
 八也
 三六也
 於此
 足也
 天泉

